



UNIVERSITY OF JOHANNESBURG
DEPT: CURRILUM AND EDUCATION
IFAKHALITHI YEMFUNDO
SPECIAL EXAM JANUARY 2017

UHLELO: Iziqu Bachelor of Education (BEd)
Module Subject Methodology (IsiZulu)
IMOJULI: IMetodoloji Yokufundisa IsiZulu
Code MFSPZB3
IKHODI: MFSPZB3
TIME 2 HOURS
ISIKHATHI: Amahola amabili
MARKS 100
IMIKLOMELO: 100
EXAMINER
ABAHLOLI: Dr TS Hlongwane
Mr NG Mashishi

IMIGOMO YEPHEPHA

1. Imibuzo mayiphendulwe yonke ngesiZulu.

UMBUZO 1

- 1.1 Chaza kafushane ngedomeyni ngayinye yeThekzonomi kaBloom. (9)
- 1.2 NgokweThekzonomi kaBloom idomeyni yengqondo inamaleveli ayisithupha. Shono amaleveli AMATHATHU edomeyni yengqondo, uchaze ukuthi ileveli ngayinye isho ukuthini. (9)
- 1.3 Chaza ukuthi uthishela angawasebenzisa kanjani lamadomeyni uma efundisa, uchaze futhi nokuthi ukwenzelani lokho. (7)
- (25)**

UMBUZO 2

2.1 Xoxa kabanzi ngamakhono ancikene kakhulu: ukulalela nokukhuluma (12)

Fundisisa isiqephu sendaba ekhasini lokugcina bese uphendula imibuzo elandelayo:


- 2.2.1 Chaza umsebenzi walesisithombe esikulendatshana. (2)
 - 2.2.2 Bhala umlayezo walesisiqeshana. (1)
 - 2.2.3 Tomula imisho eyenza lendatshana iphile (4)
 - 2.2.4 Bhala umsebenzi owenziwa amakhono olimi kulendatshana (2)
 - 2.2.5 Chaza okwenza lesisiqeshana sifundeke kalula (2)
 - 2.2.6 Bhala imigomo EMIBILI eyisisekelo senqubo yokuxhumana esetshenziswe kulesisiqeshana (4)
 - 2.2.7 Chaza OKUTHATHU okumele kwenziwa nguthishela uma efundisa lendatshana ngokwenqubo yokuxhumana (6)
 - 2.2.8 Bhala ukuthi ungabahlola kanjani abafundi ukwenza isiqiniseko sokuthi bayayiqonda lendatshana. (4)
- (25)**

UMBUZO 3

3.1 Hlela isifundo lapho uchaza khona ukuthi ungabafundisa kanjani abafundi bebanga lesishagalombili ukubhalwa kwencwadi yomsebenzi, Gxila kusingeniso, umzimba nesiphetho. (25)

UMBUZO 4

- 4.1 Chaza ukuphathwa kweklasi. (5)
 - 4.2 Xoxa ngezingxenye EZINTATHU zemisebenzi yokuphatha. (9)
 - 4.3 Chaza amasu AMATHATHU okuhlola okungamiselwe mthetho mgomo. (6)
 - 4.4 Chaza ukuthi ungamsiza kanjani umfundi onenkinga yokufunda ulimi lwesiZulu. (5)
- (25)**



UNOZAZA UYA ENKOSINI

Kwakukude impela koMkhulu. UNozaza wahamba waqinisa wathi ngqi, kwazise ukuthi wayeyinsizwa enamandla, eyisishaqaba. Wahamba waphikelela

phambili phezu kokuba lalibalele likhipha inhlanzi emanzini, kukhala izihlonono yonke indawo.

‘Bayede! Ngonyama! Wena owakhula silibele!’ Kukhuleka uNozaza esethe futhatha ngamadolo phansi, kwazise ukuthi wanqwamana neNkosi engazelele; nayo izelulela amadolo, ibuka izwe layo, icanasa ngendlela uNozaza ayeza ngayo.

INkosi uSobhuza wabe enenhliziyi enhle, engathandi ukukhuluma ngolaka nabantu, noma abakhace okwezinja njengamanye amakhosi. Wamane wambuka nje akaze amnaka, wazihambela waya lapho ayeqonde khona. UNozaza wedlula waye wafika esangweni lapho ahlangana khona nogqayinyanga.

‘Yini?’ kubuza ogqayinyanga besondela kuNozaza.

‘Qha, nina bakoMkhulu ngibabele isilo.’

‘Ubabele iNkosi! Uphumaphi nalenyamazane?’

‘Wo, nina bangasenhla, ngiphuma kwaDlangubo.’

‘Yebo-ke mnumzane, dlula-ka.’

‘Ngiyabonga nina beSilo.’

Akubanga isikhathi eside edlulile. Kwaqhamuka umfo

Onomkhabakazi ehamba egqishazela. Wathi nje esaqhamuka wamdumela ngemibuzo ehamba nolaka. Lomfo

Kwabe kunguVemane, uNdunankulu kaSobhuza.

(uKhalalembube)

